



Udruženje poslovnih žena u BiH
www.upzbih.ba

DANI PODUZETNIŠTVA ŽENA 2017

Udruženje poslovnih žena u BiH predstavlja nastavak uspješnog rada Udruženja poduzetnica u BiH „ONE“ koje je nastalo zbog snažne potrebe za ukazivanjem važnosti uloge i doprinosa bh.žena poduzetnica, njihovog umrežavanja i promocije.

Vizija Udruženja poslovnih žena u BiH: Jačanjem društvenog okvira za razvoj poduzetništva žena kroz unapređenje razvojnih politika pokrenuti otvaranje novih radnih mjesta. Zajednički jačamo BiH ekonomiju!

Misija Udruženja poslovnih žena u BiH: Pružamo podršku razvoju poduzetništva žena kroz međusobno povezivanje žena poduzetnica, poslovnih žena, edukaciju i savjetovanje.

Jedna od naših aktivnosti jeste podrška i promocija ženskog poduzetništva, zbog čega i ove godine organiziramo „Dane poduzetništva žena“.

„Dani poduzetništva žena“ prvi put su organizirani 2014. godine, tokom kojih smo okupili 200 poduzetnica iz BiH i regiona te relevantne političke snage. Ponosimo se tadašnjim podijeljenim iskustvima i međusobno uspostavljenom saradnjom.

„Dane poduzetništva žena“ organizirali smo i naredne 2015.godine, kao i 2016.godine i postigli još bolje rezultate i interesovanje.

„Dani poduzetništva žena“ postali su prepoznatljiva manifestacija kojoj se raduju mnoge poduzetnice, kako iz BiH tako i regiona.

Rastuća potreba za promocijom i poboljšanjem poduzetništva kod žena, koje doprinosi ekonomskom razvoju cijelog društva, razlog su zašto i ove godine organiziramo „Dane poduzetništva žena“, 23-25. maj 2017.godine.

Žene čine polovinu stanovništva, te se ne mogu zanemarivati prepreke koje usporavaju i ometaju realizaciju talenta žena. Žena u biznisu je najčešće dobro obrazovana, uspješna, govori strane jezike i u stanju je srušiti većinu barijera, dok je ženama koje učestvuju u proizvodnji potrebno još dosta podrške i mogućnosti za sticanje prihoda. Kao ključnu stvar možemo istaći potrebu za dodatnom edukacijom na terenu, ne samo o tehničkim pitanjima vezanim za

Udruženje poslovnih žena u BiH

Jukićeva br.70, 71000 Sarajevo, Bosna i Hercegovina

Tel./Fax:+387 (0)33 204 768; cell.:063 895 932, 061 377 718, www.upzbih.ba; mail: info@upzbih.ba



Udruženje poslovnih žena u BiH

www.upzbih.ba

proizvodnju, već i po pitanju vještina pregovaranja, lobiranja, dodavanja vrijednosti proizvodima i razvoja nepoljoprivrednih djelatnosti na selu.

„Dani poduzetništva žena” će se realizovati kao kombinacija tematski različitih aktivnosti: uvodna tematska predavanja, radionice, okrugli stolovi, B2B susreti, konkurs i dodjela nagrada i završna konferencija.

Neke od ovih aktivnosti, kao što su okrugli stolovi i dodjela nagrada, ćemo organizovati kao uvodna tematska predavanja u naredna četiri mjeseca, dok ćemo u maju mjesecu imati završni dio „Dana poduzetništva žena“ kada ćemo organizovati radionice, B2B susrete i završnu konferenciju na kojoj ćemo iznijeti zaključke sa okruglih stolova i predložiti rješenja.

U sklopu manifestacije Dani poduzetništva žena održati će se :

1. Okrugli stolovi :

Cilj je da se na osnovu konkretnih tema osvijetle ključni problemi, analiziraju okolnosti i donesu zaključci na osnovu koji ćemo na završnoj Konferenciji predložiti rješenja iz oblasti koje se identifikuju kao ključne smetnje za razvoj poduzetništva kod žena.

1.1. Okrugli sto pod nazivom “**Iskustva i prakse lokalnih zajednica u podsticanju poduzetništva žena**” održati ćemo u Ljubuškom, Tešnju, Goraždu i Sarajevu.

Svaki oblik poduzetništva u fazi otpočinjanja i tržišnog pozicioniranja ima teškoće zbog komplikovane administrativne procedure i previsokih nameta. Poduzetništvo kod žena je tim osjetljivije usljed tradicionalnog odnosa prema ravnopravnosti žena, pa žene imaju problem početnog kapitala i finansiranja. Postoji puno prostora za unaprjeđenje oblika i intenziteta pomoći poduzetništvu žena.

Obzirom da nije usvojena Strategija za razvoj poduzetništva žena, podrška poduzetnicama je van sistema i ovisi o spremnosti i kapaciteta lokalne zajednice da se konkretno djeluje.

Udruženje poslovnih žena u BiH

Jukićeva br.70, 71000 Sarajevo, Bosna i Hercegovina

Tel./Fax:+387 (0)33 204 768; cell.:063 895 932, 061 377 718, www.upzbih.ba; mail: info@upzbih.ba



Udruženje poslovnih žena u BiH
www.upzbih.ba

Učešćem na okruglom stolu načelnici općina i lokalna udruženja žena razmijenije iskustva, dobre prakse i ideje o konkretnim, dostupnim i učinkovitim mjerama koje mogu olakšati početne korake i ohrabriti poduzetnice.

2. Radionice

U toku „Dana poduzetništva žena“ održat će se niz radionica koje će doprinjeti sticanju novih i jačanju postojećih vještina kako kod poduzetnica tako i kod žena koje žele da započnu svoj biznis.

Planirano je održavanje četiri radionice:

- 2.1. Pitanja i novosti iz oblasti radnog i poreskog zakonodavstva**
- 2.2. Pristup EU fondovima**
- 2.3. Organsko pčelarstvo i primjena pčelinjih proizvoda kroz apiterapiju**
- 2.4. Creative day – decoupage radionica**

3. B2B susreti

To su 1 na 1 sastanci koji omogućavaju brzi pronalazak potencijalnih saradnika i poslovnih partnera u regiji i šire. Partneri će se susresti na prethodno dogovorenim 20-minutnim sastancima. Sve funkcioniše brzo i jednostavno! Učestvovati mogu mala i srednja preduzeća, univerziteti, komore, predstavnici klastera i druge institucije.

Zainteresovani se mogu prijaviti za B2B susrete pomoću aplikacije na našoj web stranici. Linkovi za B2B su:

Bosanski: <http://www.upzbih.ba/2017/03/15/dani-zenskog-poduzetnistva-2017-registrujte-se-za-b2b-susrete/>

Engleski: <http://www.upzbih.ba/2017/03/16/days-women-enterpreneuership-2017-register-b2b-events/>

4. Poseban program – Konkurs - odabir autentičnog proizvoda za žene iz ruralnih područja

Udruženje poslovnih žena u BiH

Jukićeva br.70, 71000 Sarajevo, Bosna i Hercegovina

Tel./Fax:+387 (0)33 204 768; cell.:063 895 932, 061 377 718, www.upzbih.ba; mail: info@upzbih.ba



Udruženje poslovnih žena u BiH

www.upzbih.ba

Bosna i Hercegovina je zemlja sa izuzetnim turističkim potencijalom, a suveniri i autentični domaći proizvodi dobivaju na važnosti sa rastom turističke industrije. Žene – poduzetnice iz svih oblasti i svih oblika poslovanja treba da iskoriste poslovnu priliku i ponude tržištu široku paletu kvalitetnih suvenira i autentičnih proizvoda.

U ovom segmentu svoje mjesto mogu ponajprije naći poduzetnice koje se bave proizvodnjom organskih i autentičnih proizvoda. Cilj nam je da dobro pripremljenim konkursom animiramo žene da kreiraju, proizvedu i certificiraju različite proizvode, npr.

- Domaći poljoprivredni proizvod (mliječni proizvodi, džemovi, sokovi i sl.)
- Prirodna kozmetika, ljekobilje i med
- Tradicionalni ženski radovi (vez, pletenje, heklanje, tkanje)

Cilj konkursa je podstaknuti inovacije, kreativnosti, ali i stvaranje dobro upakovanih tradicionalnih, autentičnih proizvoda.

Planiramo pozvati afirmisane bh umjetnice i dizajnerice da se uključe u proces od početka, sudjeluju u pripremi konkursa, pomognu poduzetnicama u konceptu, procesu, dizajnu i pakovanju. Cilj je da se za konkursom obuhvate svi regioni u BiH, kako bi se došlo do što raznovrsnije ponude.

Očekujemo interesovanje svih institucija iz oblasti turizma, obzirom na činjenicu da osim „vučka“ i “kocke” BiH nema prepoznatljivog suvenira, to jeste nema proizvod koji ima praktičnu primjenu.

5. Završna Konferencija

Konferencija će se sastojati od 4 panela :

I panel – “Iskustva i prakse lokalnih zajednica u podsticanju poduzetništva žena”

Tokom ovog panela prezentirati će se zaključci sa okruglih stolova na temu “Iskustva i prakse lokalnih zajednica u podsticanju poduzetništva žena” održanih u Sarajevu, Ljubuškom, Tešnju i Goraždu.

Udruženje poslovnih žena u BiH

Jukićeva br.70, 71000 Sarajevo, Bosna i Hercegovina

Tel./Fax:+387 (0)33 204 768; cell.:063 895 932, 061 377 718, www.upzbih.ba; mail: info@upzbih.ba



II panel - „Poduzetništvo u obrazovnom sistemu naše zemlje”

Cilj rasprave i razmatranja ove teme je:

- podići svijest kreatorskim obrazovnim programima o važnosti učenja, proučavanja i boljeg tretmana poduzetništva u našem obrazovnom sistemu
- kroz prilagođene obrazovne programe o poduzetništvu (npr: uvođenjem više časova o poduzetništvu, kako praktičnih tako i teoretskih) cilj nam je da:
 - podstaknemo stvaralačku energiju mladih
 - podstaknemo mlade na pretvaranje ideje u proizvod
 - podstaknemo mlade da koriste domaće i raspoložive resurse u cilju samozapošljavanja i zapošljavanja

Pitanja i problematika koja bi se raspravljala u ovom panelu:

1. Kako i na koji način naše obrazovne institucije doprinose razvoju poduzetništa?
2. Da li obrazovne institucije kroz svoje programe podstiču kreativnost i inovativnost kod mladih i da li rade na jačanju njihovog poduzetničkog duha?
3. Da li se može više raditi da pojam „poduzetništvo“ bude prisutan u našem obrazovnom sistemu, u našim obrazovnim institucijama?
4. Da li kroz obrazovne programe u našim školama i fakultetima educiramo buduće poduzetnike i prate li ti programi potrebe tržišta?
5. Da li poduzetništvo i teme o poduzetništvu moraju tretirati samo studenti ekonomske struke ili bi poduzetnički duh trebalo podsticati i kod ostalih?
6. Koliko je uopšte naša mladost, naši budući poduzetnici, ekonomski osviještena populacija?

III panel – Pitanja i novosti iz oblasti radnog i poreskog zakonodavstva

Tokom ovog panela prezentirati će se zaključci sa radionice održane na istu temu.

IV panel - Unapređenje modela i izvora finansiranja poduzetništva žena



Udruženje poslovnih žena u BiH
www.upzbih.ba

U posljednje tri godine smo pričali o finansijama i modulima finansiranja , ali sa terena još uvijek imamo nezadovoljstvo poduzetnica .

Tokom ovog panela ćemo razgovarati o mogućnostima pronalaska drugih rješenja.

Udruženje poslovnih žena u BiH

Jukićeva br.70, 71000 Sarajevo, Bosna i Hercegovina

Tel./Fax:+387 (0)33 204 768; cell.:063 895 932, 061 377 718, www.upzbih.ba; mail: info@upzbih.ba